

URUMEAKO Kronika

2016/06/15



PDF

ASTIGARRAGA Ekainak 15



PDF

HERNANI Ekainak 15



albisteak//TOLAREA SAGARDO NATURALAREN KOFRADIA

«Denboran baia asko egon dira eta gehienak

jubilatuak gara. Ezin dugu guk bakarrik»

'Tolare' Gipuzkoako Sagardo Naturalaren Hernaniko Kofradia desegitea erabaki dute, 20 urteren ostean.

Diru-laguntza falta eta segidarik ez izatea izan dira Kofradia bertan behera uzteko arrazoi nagusiak.

HERNANI

2016/03/05 00:00 Larunbata

AINHOA JAUREGI

1996an sortu zen 'Tolare' Kofradia, Hernaniko Berriak Merkataritza Elkartearen babespean. Urte hauetan guztietan, jende askok parte hartu du bai Kofradian eta baita Kofradiako kideek antolatutako ekintzetan. Nabarmenenak: Sagardoaren Kapitulumua eta **Sagarraren** eta sagardoaren eguna.

Azken urteetan Tolareko lehendakaria izan den Kontxi Zubeldiarekin lasai hitz egiteko aukera izan dugu. Urte hauetan guztietan, primeran pasatu duela antzematen da eta Kofradiaren desegiteak pena handia ematen diola ere bai.

Noiz eta nola sortu zen 'Tolare' Sagardo Natuaralaren Kofradia?

Zein helbururekin?

Orain dela hogeit hamar urte sortu zen Kofradia. Orduan, ni ez nengoen, baina herriari txispa piska bat jartzeko helburuarekin sortu zela badakit. Ondoren, hori lortu zenean, sagardoari protagonismo gehiago ematea erabaki zen, edari goxo hau nabarmendu behar genuen. Inguru honetan, sagardoak eta sagardotegiek sortzen baitzuten giroa. Gaur egun bezala.

«Herriari txispa piska bat jartzeko helburuarekin sortu zen kofradia»

Nolako bilakaera izan du urteetan zehar?

Pixkanaka-pixkanaka, herritar gehiago gehitu ginen hasierako talde horretara, eta sagardogileekin batera, sagardoren defentsan lanean hasi ginen. 90 pertsona inguru elkartu ginen. Urtero, martxoko hirugarren igandean Sagardoaren Kapitulumua ospatzen hasi ginen. Bertan, ohorezko kofradiakide berriak izendatzen genituen. Egun horretan, kanpoko beste kofradia batzuk etortzen ziren beren ohiko jantziekin apainduta eta herriko kale garrantzitsuetan zehar desfilea egiten genuen, Udal Bandaren doinuek lagunduta. Ondoren, kofradiakide berrien tronuratzea eta juramentua egiten zen eta azkenik, Hernaniko sagardotegi batean anaitasun-bazkaria egiten genuen.

«Egindako lanagatik, Bixente Zaragüeta eta Miguel de la Cuadra Salcedo nabarmenduko nituzke»

Nola aukeratzen zenituzten ohorezko kofradiakide berriak?

Kofradiako kideak elkartzen ginen eta hainbat pertsona ezagun edo ospetsurengan pentsatzen genuen. Gero, leku batera eta bestera deitzen hasten ginen, pertsona horien kontaktua lortu arte.

Lagun edo ezagunen bitartez ere lortu izan ditugu kofradiakide berri batzuk ere.

Zeintzuk izan dira, urte guzti hauetan, kofradiakide berri horiek?

Arlo desberdinetan adituak diren pertsona ugari izendatu ditugu ohorezko kofradiakide berri.

Sagardoaren munduarekin lotuta: Rosario Zapiain, Rufino Izagirre, Luis Gorrotxategi, Juan Goikoetxea, Miguel Zubeldia, Jose Izagirre, Martiatu anaiak, Ignacio J. Larraña, Martin Garmendia, Jose M^a Irizar, Jose Manuel Iradi, M^a Carmen Uranga, M^a Jesus Setien, Joxe Angel Gaztañaga, Joxe M. Bereziartua, Ascensio Iguaran, Elixabete Arrillaga, Antonio Eguzkitza, Ascensio Intxauspe, Angel Alvarez eta Pedro Santa Cruz.

Sukaldariak eta gastronomiarekin zerikusia dutenak: Juan M^a Arzak, Elena Arzak, Martin Berasategi, Pedro Subijana, Hilario Arbelaitz, Isaac Salaberria (Fagollaga), Luis Irizar, Jose Juan Castillo, Tatus Fombellida, Juan M^a Izagirre (Errioguarda), Josetxo Lizarreta, Atxen, Ricardo Remiro, Joxe M^a Gorrotxategi eta Joxe M^a Aizega.

Kirolariak: Joxan Tolosa, Miguel M^a Etxebarren (kirolarien sendagilea), Jesus M^a Zamora, Edurne Pasaban, Josune Berziartu, Txomin Perurena, Orioko trainerua, Juanito Oiartzabal, Jose Luis Korta, Maider Unda, Eva Esnaola, Jose M^a Garin, Maider Telleria, Rosi Talavera, Hernaniko Errugbi Taldea, Pelotako CDH saila eta DVko kirol erakundeak.

Bertsolariak eta bere mundua: Andoni Egaña, Pablo Zubiarraín, Juanjo Uria, Txomin Garmendia, Julian Ezeiza, Anton Garin, Hernaniko Bertso Eskola eta abar.

«Segidarik ez izatea eta diru-laguntza falta dira kofradia desegiteko arrazoi nagusiak»

Pertsonaia ospetsuak eta artistak: Ainhoa Arteta, Mariano Ferrer, Anne Igartiburu, Bixente Zaragueta, Miguel de la Cuadra Salcedo, Tito Irazusta, Antonio Mercero, Toti Martinez de Lezea, Julen Madina, Julian Iantzi, Kontxu Odriozola, Josetxo Lizartza, Patxi Bisquert, Andoni Aizpuru, Yolanda Alzola, Amaia Zubiria, Itziar Gurmendi, Patxi Odriozola, Felix Ares de Blas, Fermin Muguruza, Patxi Apezetxea, Ricando Ramos, Txaro Arteaga, Jose Luis Alonso, Juan M^a Beltan, Miriam Molina, Xabier Laskibar, Elixabete Garmendia, Esther Esparza, Maite Arostegi, Luzio Urtubi, Aizpea Goenaga, Maria Jesus Iturbide, Nicolas Seguroola, Juan Ignacio Querejeta, Modesto Lasa, Angel Alkain eta Goazemakeko kideak.

Kultura eta gizarte taldeak: Hernaniko Txistulari banda, Hernaniko musika banda, Hernaniko odol-emaileak, Hernaniko parrokiako koroa, Kantuz Abesbatza, Ozenki Abesbatza...

Egindako lanagatik, Kofrade berezirik aipatuko zenuke?

Ba, ez dakit. Denekin pasatu dugu primeran eta denen partehartzea eskertzen dugu. Bai herri mailan eta baita anaitasun-bazkarian ere, arrakasta handia izan zuten Ainhoa Arteta eta Goazemak-eko aktoreek, adibidez. Oso giro polita sortu zuten. Baina, agian, egindako lanagatik Bixente Zaragueta edo Miguel de la Cuadra Salcedo nabarmenduko nituzke. Azkeneko hau ekartzea izugarri kostatu zitzaigun, baina ekarri genuen.

Sagardoaren Kapituluaz gain, zein beste ekintza antolatu izan dituzue?

Urtero, irailean, sagardogileekin batera, **Sagarraren** eta Sagardoaren Eguna antolatu izan dugu.

Bertan, sagardotegi desberdinetako sagardoak dastatzeko aukera egoten da, taloa, ogitartekoak eta abarrekin batera, eta plazan, erromeria txiki bat ospatzen da. Zizar gozoa ere edan daiteke eta arrakastatsua izaten da hainbat sagar-motaren erakusketa ere: 120 sagar-mota baino gehiago egoten dira ikusgai.

«Ziur nago, ‘Tolare’ Kofradiarik gabe sagardogileek aurrera jarraituko dutela, inongo arazorik gabe»

Eta orain, zer gertatuko da **Sagarraren eta Sagardoaren egunarekin? Ospatuko al da?**

Egia esan, ez dakit zer gertatuko den egun horrekin. Ezin dizut ezer argitu. Gu sukaldean egoten ginen, pintxoak egiten eta saltzen. Eta, ni, Kofradiako zuzendari moduan, zegokionari saria ematera joaten nintzen. Oso festa polita izaten zen.

Nolako arrera izan dute, herri mailan, zuek antolatutako ekintzek? Partehartze handia egon da?

Oso arrera ona eduki dute beti eta giro paregabea sortu da. Eta, ez herri mailan bakarrik, kanpotik etorri diren Kofradiak ere oso gustora ibili dira. Belgikako eta Frantziako Kofradiak etortzen zirenean, primeran pasatzen zuten. Txotxaren errituala oso kurioa baita kanpotarrentzat.

Hogei urte hauetan zer lortu du Kofradiak? Gustura geratu zarete egindako lanarekin?

Adiskide eta lagun asko egin ditugu. Jende ospetsu asko ere ezagutu dugu eta hori herriarentzako eta sagardoarentzako oso ona izan da. Pertsona ezagunen presentziak, beti ere, ohiartzun handiago du.

Zein izan dira ‘Tolare’ Sagardo Naturalaren Kofradia desegiteko arrazoiak?

Bi izan dira Kofradia desegiteko arrazoi nagusiak. Batetik, segidarik ez izatea eta bestetik, diru-laguntza falta. Denborarekin baja asko egon dira eta bukaerara arte gelditu garen gehienak jubilatutak gara. Adin honekin, ezin ditugu horrenbeste irteera eta bidaiak egin, edaria eta janariari dagokionez zaindu egin behar dugu eta ez dugu lanean ari gineneko diru-kopuru berdina ere. Bestalde, udaletxetik jasotzen genuen diru-laguntza oso txikia zen Kofradia aurrera ateratzeko behar dena kontuan izanda. Enpresa batetik jasotzen genuen diru-laguntzarik gabe ere gelditu ginen eta bidaiak, bazkariak, jende ospetsua ekartzea, lokalaren alokairua... ordaindu behar dira. Kofradiako kide bakoitzak 200 euroko kuota ordaintzen genuen eta bukaeran, gehiago. Oso gustura egon gara urte hauetan guztietan gauza desberdinak antolatzen, jendea ezagutzen, sagardoa eta gure kulturaren bertuteak goستن, leku batetik bestera Hernani eta sagardoaren izena eramaten Baina, adin batetara iritsi gara eta gorputzak ezin du erritmo horrekin jarraitu.

Horrenbeste denbora eta gero, Kofradia bertan behera uzteak ez al dizu penarik ematen?

Bai, izugarri. Urte hauetan guztietan, jende asko ezagutu dugu Kofradiaren bitartez. Primeran pasatu dugu eta oroitzapen oso onak gordeko ditugu. Baina, ezin denean, ezin da.

Kofradiaren desegitea

uztailean ospatutako Batzar Nagusian erabaki zenuten. Zergaitik ez duzue ezer esan orain arte?

Ez da intentzioz eginiko zerbait izan. Uztailearen 14an egin genuen Batzar Nagusian erabaki genuen ezin genuela Kofradiarekin aurrera jarraitu, eta berehala hasi ginen tramite guztiakin. Hala ere, abenduaren 18ra arte ez genuen ofizialki elkartearen deuseztapenaren berri eduki.

Eta orain, nork defendatuko du sagardoa? Nork zabalduko du edari goxo honen izena munduan zehar?

Sagardogileek, dudarik gabe. Denbora askoan beraiek egin dute lan hori eta ez dira atzean geratuko. Gurekin hartu-eman ona izan dute eta elkarrekin lanean gustura aritu gara. Baina, ziur nago, 'Tolare' Kofradiarik gabe aurrera jarraituko dutela inongo arazorik gabe.

Hemendik urte batzuetara, zuen testigantza hartu, eta Kofradia berriz ere osatuko duenik egongo dela uste duzue? Gustatuko litzaizuke?

Gustatuko litzaidake, bai. Baina ez daukat esperantzirik. Jendea ez dago horretarako, eta ulertzekoa da. Denbora, gogoia eta dirua behar dira. Gainera, Kofradia desegin aurretik, epe bat utzi dugu ea norbait animatzen zen jarraitzeko, eta denbora horretan ez da inor azaldu.

ARGAZKIAK



Izena*